



Broj: 03/6-11-7-3713-6/24
Bihać, 03.09.2024. godine

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj: 39/14, 59/22 i 50/24), na preporuku Komisije za javnu nabavku broj: 03/6-11-7-3713-5/24 od 02.09.2024. godine, u postupku javne nabavke usluga – *korištenje optičkog linka za potrebe procesa informatizacije zdravstva (Zavod – Kantonalna bolnica)*, v.d. direktor-a Zavoda zdravstvenog osiguranja Unsko-sanskog kantona je donio

ODLUKU o izboru najpovoljnijeg ponuđača

Član 1.

Najpovoljniji ponuđač u postupku nabavke usluga – *korištenje optičkog linka za potrebe procesa informatizacije zdravstva (Zavod – Kantonalna bolnica)*, broj Obavještenja o nabavci: 190-7-2-51-3-41/24, je **MISS.NET d.o.o. Bihać** sa ponuđenom cijenom od 16.404,00 (slovima: šesnaesthiljadačetiristotinečetiri) BAM bez PDV-a, kojem se dodjeljuje ugovor za javnu nabavku *usluga korištenje optičkog linka za potrebe procesa informatizacije zdravstva*.

Član 2.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke, u skladu s članom 98. Zakona.

Član 3.

Za izvršenje ove odluke zadužuje se Stručna služba Zavoda.

Član 4.

Ova odluka objavit će se na web-stranici Zavoda *zzousk.ba* istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03/6-11-7-3713/24, od 16.08.2024. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 16.404,00 BAM.

Obavještenje o nabavci broj: 190-7-2-51-3-41/24 poslano je na objavu dana 20.08.2024. godine i istog dana objavljeno je na Portalu javnih nabavki.

Tenderska dokumentacija je objavljena na portalu Javnih nabavki u sistemu “E-nabavke”.

Ponude su dostavljene od strane sljedećih ponuđača:

- MISS.NET d.o.o. Bihać.

Komisija za javnu nabavku imenovana je Odlukom broj: 03/6-11-7-3713-1/24 od 16.08.2024. godine.

Komisija za javnu nabavku dostavila je dana 02.09.2024. godine Zapisnik o ocjeni ponuda broj: 03/6-11-7-3713-4/24 od 02.09.2024. godine i Preporuku o izboru najpovoljnijeg ponuđača broj: 03/6-11-7-3713-5/24 od 02.09.2024. godine, u postupku javne nabavke usluga – *korištenje optičkog linka za potrebe procesa informatizacije zdravstva (Zavod – Kantonalna bolnica)*.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, a u kojima je utvrđeno sljedeće:

- da je ukupan broj pristiglih ponuda 1;
- da je blagovremeno zaprimljena 1 ponuda;
- da nije bilo neblagovremeno zaprimljenih ponuda;
- da je ponuda ponuđača MISS.NET d.o.o. Bihać – prihvatljiva;
- da nije bilo neprihvatljivih ponuda.

U ovom postupku nabavke bilo je predviđeno provođenje *e-aukcije*, međutim ista nije mogla biti zakazana s obzirom da je primljena jedna prihvatljiva ponuda, odnosno nisu stečeni uslovi za provođenje *e-aukcije*.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu s kriterijima iz tenderske dokumentacije.

U postupku ocjene provedenog postupka, direktor Zavoda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog utvrđenog kriterija najniža cijena. Shodno navedenom kriteriju, sačinjena je rang-lista primljenih ponuda:

r.br.	Naziv ponuđača	Cijena bez PDV-a	Napomena
1.	MISS.NET d.o.o. Bihać	16.404,00 BAM	--

Izabrani ponuđač je izabran primjenjujući kriterij najniže cijene tehnički prihvatljive ponude, koja je ponuđena u iznosu od 16.404,00 BAM bez PDV-a, odnosno 19.192,68 BAM sa PDV-om.

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Žalba se izjavljuje Uredu za razmatranje žalbi BiH putem Ugovornog organa u pisanoj formi i u dovoljnom broju primjeraka (najmanje tri).

v.d. Direktor-a

 Nermin Pašić, dipl.ecc.



Dostaviti:

- Ponuđačima koj su dostavili ponude (putem e-maila),
- Web stranica Zavoda,
- U spis/TD
- a/a

Obrada: A.M.